

DEO OPTIMO MAXIMO VNI ET TRINO, VIRGINI DEIPARÆ
ET SANCTO LVCAE ORTHODOXORVM MEDICORVM PATRONO.

QVÆSTIO MEDICA
CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XII MARTII.

M. CAROLO DV PRE', Doctore Medico, moderatore.

An ut magno Mundo venti viiles, ita spiritus paruo?

913

AER Planetarum *βαρυσ*, quo in hac inferiora suas demittunt vires congenitas, terrenorum vehiculum, quæ generandis Cometis etiam supra Lunam extollit, quæcunque Cælum regit ambitque collustrat omnia, mouet, permeat, afficit, conseruat, sustinet, complet. Huius agitati & commoti status & rellatus interpolatos attentius miratur philosophus, quàm maris intumescens fluctus reciprocus, quod in amplam exurgat molem spirante vento & incubante spiritu, ille à seipso concitetur. Aëris *πῦμα* & *χρῆμα* ventus est à calore solis aut alterius corporis excitus, si aëris characterem rarefactio imprimat anathymias, quæ *καταδύς* semper non est. Apodixin facit terræ motus, quem aër excitat dum locis subterraneis conclusus, ut ex eo se carcere in libertatem asserat, quæ data porta, erumpit, huc fertur & illuc, impulsuque deorsum quasi pondere grauatus furit, resilit, circumagitur subsultim obicis occurso.

SVMVS rerum artifex de suis thesauris ventos eduxit, & quatuor mundi cardinibus præfixit, quibus terræ temperiem conseruaret, imbre tempestiuo plantas leniter irrigaret, satorum & arborum fructus ad maturitatem idoneam perduceret, aërisque humidissimi calidissimi naturam illasam à putredine vindicaret. Aparctias & Aquilo sensus hebetiores exacuunt, membris robur addunt, mouent languidiorum appetitum, destillationem cohibent, cæli serenitatem & puritatem adferunt *εὐφροσύνη*, *ῥιπτή* & *γαλῶν* spirituum valde accommodatam. Siccitatem & squalorem emendat Austro, cui ut sanitati consulat, penuariam cellam ædesque occludi iube, quas tamen subfolano aperias. Altani humoris *πλεονεξία* absument, quam tropici vnâ cum salute temperant. *ἑνταυθεν* differentias & vires vix quispiam nouit nisi orbem vniuersum peragrarit. Fauonij frigidi humidi Italis salubres, Aquitanorû plagis haud innocenter incumbunt, alterati ad nos deuehuntur, locorum ac regionum, per quas transcunt, imbuti qualitatibus.

ANIMVM planè diuinum & immortalem nullique sensui peruium aut expositum cum obscuro & compacto corpore sine spiritus ut mediæ & interiectæ cuiusdam naturæ ministerio, iungi noluit natura, sed auræ illi tenui & æthereæ primum insidens, incola fit nostratis mundi, eoque ceu vinculo interposito tam discrepantes & suoptè genio repugnantes substantiæ, sociantur, nectuntur, viuuntur. Is autem spiritus utriusque familiaris & ad vnguem aptatus, ut non prorsus *ἀσώματος*, crassiori & corporeo facile miscetur. Ut vero subtilior & pellucidior est, ab animi dignitate & consortio non tam procul abesse videri potest: per artus diffusus vniuersi corporis agitat molem, regit ac moderatur estque ætherea quædam substantia insito calore perfusa partium simularium & solidarum humori oleoso insidens.

NATVRÆ nostræ *δυσκέρως*, & seruatur spiritus editi corporis membris omnibus ad mortem vsque affixus opus suum numquam deserit, sed vbique locorum, ne quid minus sincerè & pacatè fiat, clauumque regit velisque ministrat. Ipse *πῆρ δία νῆας* in cerebro functionibus præest, in oculo lucis & colorum, in lingua saporum & sermonis moderator, pedes mouet ad incessum & conclusus in semine tres mirandas describit delineatque embrii periodos, & *ἀρχὴν πλάν*. Is tamen, ne citius ac funditus exoluatur & euanescat, nouus ab vnaquaque principe parte subinde suppeditatur & infuit, qui vim non absimilem per idoneos ductus ac peruios quoquoersum diffundit, naturalis quidem à jecore deriuatus, quod vnicum est *ἰκμαλίων*, *ὁρεστικόν*, vitalis à corde profusus *ζωτικόν*, animalis ab arcæ mentis & consilij profectus, neruorum operâ sensum & motum singulis partibus impartitur.

VT est *ἀνεμος* mundi quædam anima, sic spiritus quidam est corporis nostri *ἀνεμος*: ille marcescentem ignem excitat igneumque calorem & quasi nonnumquam sufficeret pabulum, augeat ac reficit: aërem quiete & sita putrescentem expurgat. Vehementiores Solis & Sirii ardentes æstus Ereliarum statu mitigat: non paucos hydropelaborantes aut tabe afflictos persanant, quem mutasse ad diuturnorum morborum curationem plerisque profuit: sicque vernaculus extraneo preferendus, ut qui pristinæ sanitati & virium firmitati ægros plurimos restituit. Atque, ut verbo dicam, spiritus totius corporis fuliginosa recrementa per occultam & latentem *ἀγνοον* vnus expellit, humores vasis contentos, cum exagitat, putrere non sinit, actiones omnes promouet & admixtus flatus, iners alioquin & ignauum omne hominum pecudumque genus ad ad venerem impellit & inflammant.

Ergo ut magno Mundo venti viiles, ita spiritus paruo.

F.M.P.
BIBLIOTHECA

Proponebat Lutetiæ SIMON BOVLLOT Bajocensis. A. R. S. H. M. DC. XLIII.

Bygi